

Press release

Lansamentu Manual Treinamentu Anti-Korrupsaun ba Servidór Públiku no Lansamentu website CEPAD-nian.

Sentru Estudus ba Dame no Dezenvolvimentu (CEPAD) hamutuk ho membrus Grupu Konsultivu Nasional Anti-Korrupsaun (GKN-AK) iha 26 Outubru 2018 hala'ó lansamentu Manual Treinamentu Anti-Korrupsaun ba Servidór Públiku husi Liñas Ministeriais hamutuk 7 (hitu) atu hakbiit integridade nudar aimoruk diak liu hodi prevene no kombat korrupsaun iha fungsionalizmu públiku. Iha biban ne'ebá halo mos lansamentu ba website CEPAD-nian ne'ebé nakonu ho informasaun no referensia kona-ba CEPAD-ninia serbisu mak durante ne'e hala'ó ona. Webpage CEPAD-nian mak: www.tl-cepada.org. Website ne'e uza lian ingles no tetum.

Lansamentu ne'e Na'i Ulun Prezidente da Repúblika, S.E. Sr. Dr. Francisco Guterres Lú Olo mak prezide, no iha Na'i Ulun ninia diskursu nia dehan katak *"Inisiativa ida ne'e dí'ak tebebes tanba manuál ida ne'e sai matadalan ba servidor públiku atu oinsá serve sidadaun sira ho dí'ak bainhira husu informasaun kona-ba Servisus Estadu nian. Haree ba importánsia CEPAD nian, biar iha servisu barak Estadu nian, ha'u mai rasik iha ne'e hodi enkoraja no apoia, nudar Prezidente Repúblika"*.

CEPAD-nia website la hafahe deit informasaun maibé, dalam ida mos ba CEPAD atu hakbesik-an ba públiku hodi besik malu liu tan iha serbisu ida sensitivu, maibé importante ba futuru jersaun aban-bairua nian. CEPAD sei apresia no valoriza tebe-tebes assistensia, sujestaun no ideia, hotu husi Lé-na'in sira mak bele ajuda atu hasa'e liu tan nivel efetividade serbisu CEPAD-nian. Ba ne'e, bele kontaktu Ekipa CEPAD-nian liu husi webpage mak mensiona iha leten. He'in katak ho informasaun hirak ne'ebé iha bele harikun liu tan Ita Boot sira nia informasaun kona ba programa serbisu ita-hotu nian.

Obrigadu wa'in!